

prijedlog Federalnog ministarstva energije, rудarstva i industrije, Vlada Federacije Bosne i Hercegovine, na 203. hitnoj sjednici, održanoj 04.03.2021. godine donosi

## ODLUKU

### O UTVRĐIVANJU POTREBNOG IZNOSA NAKNADE ZA PODSTICANJE I JEDINIČNOG IZNOSA NAKNADE ZA PODSTICANJE PROIZVODNJE ELEKTRIČNE ENERGIJE IZ OIEiEK ZA 2021. GODINU

#### I.

Ovom odlukom utvrđuju se ukupni iznos sredstava, odnosno potrebni iznos naknade za podsticanje proizvodnje iz obnovljivih izvora energije i efikasne kogeneracije u 2021. godini (NP<sub>2021</sub>) i jedinični iznos naknade za podsticanje proizvodnje električne energije iz OIEiEK (JN<sub>2021</sub>) za 2021. godinu u skladu sa odredbama Uredbe o podsticanju proizvodnje električne energije iz obnovljivih izvora energije i efikasne kogeneracije i određivanju naknada za podsticanje ("Službene novine Federacije BiH", broj 48/14), Odluke o davanju saglasnosti na garantovane otkupne cijene električne energije iz postrojenja za korištenje obnovljivih izvora energije i efikasne kogeneracije ("Službene novine Federacije BiH", broj 61/20), Odluke Regulatorne komisije za energiju u Federaciji Bosne i Hercegovine o referentnoj cijeni električne energije ("Službene novine Federacije BiH", broj 47/20).

#### II.

- (1) Ukupni iznos sredstava, odnosno potrebni iznos naknade za podsticanje proizvodnje iz obnovljivih izvora energije i efikasne kogeneracije u 2021. godini (NP<sub>2021</sub>) utvrđuje se u visini od 27.178.426,00 KM.
- (2) Jedinični iznos naknade za podsticanje proizvodnje električne energije iz obnovljivih izvora energije i efikasne kogeneracije (JN<sub>2021</sub>) za 2021. godinu utvrđuje se u visini od 0,005072 KM/kWh, bez obračunatog poreza na dodatnu vrijednost (PDV).

#### III.

Naknadu za podsticanje proizvodnje iz obnovljivih izvora energije i efikasne kogeneracije (N<sub>kk</sub>), koja predstavlja proizvod jedinične naknade (JN) i ukupno obračunate potrošnje aktivne električne energije (E<sub>kk</sub>) u kWh, plaćaju svi krajnji kupci električne energije u Federaciji Bosne i Hercegovine i ista se iskazuju kao posebna stavka na računu za električnu energiju.

#### IV.

Snabdjevač krajnjeg kupca će, u računu koji se dostavlja krajnjem kupcu po osnovu isporučene i prodane električne energije, kao posebnu stavku naznačiti jedinični iznos i iznos ukupne naknade za podsticanje.

#### V.

Sredstva prikupljena po osnovu naknade za podsticanje su prihod Operatora za OIEiEK kojima Operator za OIEiEK raspolaže i koristi ih za:

- 2) isplatu podsticajnog dijela iz garantovane cijene za proizvedenu električnu energiju privilegovanih proizvođača,
- 3) pokrivanje/finansiranje troškova rada Operatora za OIEiEK,
- 4) plaćanje/pokrivanje troškova uravnoteženja/balansiranja elektroenergetskog sistema nastalih zbog odstupanja u vrijednostima planirane i proizvedene električne energije iz postrojenja OIEiEK.

#### VI.

- (1) Za fakturisanje i naplatu naknada za podsticanje od krajnjih kupaca električne energije iz Federacije Bosne i Hercegovine zadužuju se:

- 1) odabrani snabdjevač za kupce koji su odabrali svog snabdjevača i imaju zaključen ugovor o snabdijevanju, a nisu u sistemu javnog snabdijevanja, odnosno pružanja univerzalne usluge,
- 2) rezervni snabdjevač koji je preuzeo snabdijevanje onih kvalifikovanih kupaca koje je njihov odabran snabdjevač prestao da snabdijeva,
- 3) javni snabdjevač, za kupce koji su u sistemu javnog snabdijevanja, odnosno pružanja univerzalne usluge i
- 4) Operator za OIEiEK za one kvalifikovane kupce koji samostalno nabavljaju električnu energiju iz uvoza za vlastite potrebe.

- (2) Subjekti iz stava (1) ove tačke su obavezni na račun Operadora za OIEiEK doznačiti prikupljena sredstva od naknade za podsticaj, najkasnije do 15. u mjesecu za prethodni mjesec.

#### VII.

Ova odluka stupa na snagu narednog dana od dana objavljivanja u "Službenim novinama Federacije BiH", a primjenjivat će se počevši od 01.03.2021. godine.

V. broj 373/2021

04. marta 2021. godine  
Sarajevo

Premijer  
**Fadil Novalić**, s. r.

477

Na temelju članka 61. stavak (1) Zakona o proračunima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i članka 11. stavak (1) Zakona o izvršavanju Proračuna Federacije Bosne i Hercegovine za 2021. godinu ("Službene novine Federacije BiH", broj 4/21), Vlada Federacije Bosne i Hercegovine na 209. žurnoj sjednici, održanoj 17.03.2021. godine, donosi

## ODLUKU

### O ODOBRAVANJU IZDVAJANJA SREDSTAVA IZ TEKUĆE PRIČUVE VLADE FEDERACIJE PRORAČUNA FEDERACIJE BOSNE I HERCEGOVINE ZA 2021. GODINU ZAVODU ZA JAVNO ZDRAVSTVO FEDERACIJE BOSNE I HERCEGOVINE

#### I.

Ovom odlukom odobrava se izdvajanje sredstava iz "Tekuća pričuva - Vlade Federacije" Proračuna Federacije Bosne i Hercegovine za 2021. godinu ("Službene novine Federacije BiH", broj 4/21) Zavodu za javno zdravstvo Federacije Bosne i Hercegovine u iznosu od 2.140.200,00 KM.

Sredstva se odobravaju u svrhu nabave cjepiva protiv koronavirusa (COVID-19).

#### II.

Sredstva iz točke I. ove odluke izdvajaju se s razdjela 12, glava 1201, ekonomski kod 600000 - "Tekuća pričuva - Vlade Federacije" Proračuna Federacije Bosne i Hercegovine za 2021. godinu i alociraju na razdjel 20 glava 2002 ekonomski kod 613400 - "Nabava materijala i sitnog inventara".

#### III.

Za realizaciju ove odluke zadužuju se Federalno ministarstvo financija i Zavod za javno zdravstvo Federacije Bosne i Hercegovine, svatko iz okvira svoje nadležnosti.

#### IV.

Ova odluka stupa na snagu danom donošenja i objavit će se u "Službenim novinama Federacije BiH".

V. broj 436/2021  
17. ožujka 2021. godine  
Sarajevo

Premijer  
**Fadil Novalić**, v. r.